

Broj: 20-7404-~~5~~22  
Sarajevo, 17.10.2022. godine

Na osnovu odredbi člana 64. stav (1) tačka b) i člana 70. stav (1), (2) i (3) Zakona o javnim nabavkama Bosne i Hercegovine („Službeni glasnik BiH“ broj 39/14), člana 7. Pravilnika o postupku direktnog sporazuma („Službeni glasnik BiH“ broj 90/14), člana 4. Pravilnika o postupku direktnog sporazuma Javne ustanove Opća bolnica „Prim. dr. Abdulah Nakaš“ i člana 27. Statuta Javne ustanove Opća bolnica „Prim. dr. Abdulah Nakaš“, direktor donosi

### **O D L U K U** **O IZBORU NAJPOVOLJNIJEG PONUĐAČA**

#### **Član 1.**

Na osnovu ponude dostavljene po zahtjevu za nabavku roba: Stručne knjige, putem direktnog sporazuma, broj: 20-7404 od 05.09.2022. godine, za najpovoljnijeg ponuđača u predmetnom postupku javne nabavke roba odabran je ponuđač Buybook d.o.o. Sarajevo, sa ponuđenom cijenom od 2.726,62 KM bez PDV-a, odnosno 3.190,14 KM sa PDV-om.

#### **Član 2.**

Sa ponuđačem iz člana 1. ove Odluke će se zaključiti ugovor, iz razloga što je vrijednost nabavke (bez PDV-a) veća od 1.000,00 KM.

#### **Član 3.**

Ova Odluka objavit će se na internet stranici Javne ustanove Opća bolnica „Prim. dr. Abdulah Nakaš“ ([www.obs.ba](http://www.obs.ba)).

#### **Član 4.**

Za izvršenje ove Odluke zadužuje se Odsjek za bibliotečku informacionu i edukacionu djelatnost i Odjeljenje za računovodstvo, plan i analizu.

#### **Član 5.**

Odluka stupa na snagu danom donošenja.

### **O b r a z l o ž e n j e**

Javna ustanova Opća bolnica „Prim. dr. Abdulah Nakaš“ je donijela Odluku o pokretanju postupka javne nabavke putem direktnog sporazuma, broj: 20-7404-1 od 05.09.2022. godine za nabavku roba: Stručne knjige.  
Procijenjena vrijednost iznosila je do 3.200,00 KM bez uračunatog PDV-a.

Nakon što je provedeno ispitivanje tržišta, šef Odsjeka za bibliotečku informacionu i edukacionu djelatnost je uputio Poziv (pismeni Zahtjev) za dostavljanje ponude ponuđačima: Buybook d.o.o. Sarajevo, Sarajevo Publishing.ba i IKD University Press d.o.o. Sarajevo.

Do krajnjeg roka za dostavljanje ponuda, dostavljene su dvije ponude ponuđača. Nakon pregleda zaprimljenih ponuda, konstatuje se da su ponuđači Buybook d.o.o. Sarajevo i IKD University Press d.o.o. Sarajevo u predmetnom postupku kvalifikovani i da dostavljene ponude zadovoljavaju uslove iz Zahtjeva za nabavku roba: Stručne knjige.

Shodno kriteriju najniža cijena za nabavku roba: Stručne knjige, odabran je ponuđač Buybook d.o.o. Sarajevo, sa ponudnom cijenom od 2.726,62 KM bez PDV-a, odnosno 3.190,14 KM sa PDV-om, dok je ponudžać IKD University Press d.o.o. Sarajevo ponudio cijenu od 3.023,07 bez PDV-a odnosno 3.536,99 sa PDV-om.


**POUKA O PRAVNOM LIJEKU:** Protiv ove Odluke ponuđači nemaju pravo žalbe shodno odredbama člana 101. Zakona o javnim nabavkama („Službeni glasnik BiH“ broj 39/14), obzirom da je Odluka donijeta u postupku direktnog sporazuma.

Pripremila:

Amela Smajić-Džaferagić, BA općeg prava  
službenik za javne nabavke

Kontrolisala:

Amira Petrović, BA općeg prava, šef Odsjeka za javne nabavke



DIREKTOR

kapetanović

**DOSTAVITI:**

- Ponuđaču ponuđač Buybook d.o.o. Sarajevo
- IKD University Press d.o.o. Sarajevo
- Odsjek za bibliotečku informacionu i edukacionu djelatnost
- Odjeljenje za računovodstvo, plan i analizu
- Odsjek za javne nabavke